

SCRIPT OF EVENING GOJRI NEWS BULLETIN 29MAR 2025

1700HRS

اوننگ گوجری نیوز بولینٹن 29 مارچ 2025

یوہ آکاشوانی جموں بے نصرت تے طارق ابرار تیں خبر سُنو۔

HEADLINES

- ۱۔ وزیر داخلہ امت شاہ نے کہیو کہ جموں کشمیر نانہہ ریاست غو درجو واپس دتو جے غو جسراں کہ پہلاں وعدو کیو گئیو تھو۔
- ۲۔ جموں کشمیر غا ضلع کٹھوعہ غا دور دراز جنگلاتی علاقہ مانہہ حفاظتی دستاں نے اج تلاشی مہم نانہہ مزید علاقہ توڑی بدھا دتو ہے۔
- ۳۔ وزیر اعلیٰ عمر عبداللہ تے نائب وزیر اعلیٰ سریندر چودھری کٹھوعہ ضلع مانہہ ۲ روزہ جھڑپ غے دوران شہید ہوا پولیس اہلکار غی آخری رسومات مانہہ شرکت کی۔
- ۴۔ ضلع رام بن مانہہ کل تیں شروع ہون آلا چھیتراہ نورتری گا ۹ تہاڑہ گا تہوار تے عیدالفطر گے پیش نظر کسے وی ناخشگوار واقع تیں بچاؤ واسطے حفاظتی انتظامات ناں بدھایو جارہیو ہے۔

JK STATEHOOD SHAH

وزیر داخلہ امت شاہ نے کہیو کہ جموں کشمیر نانہہ ریاست غو درجو واپس دتو جے غو جسراں کہ پہلاں وعدو کیو گئیو تھو لیکن اس واسطے کوئی مخصوص وقت مقررہ نہیں کیو گئیو۔ امت شاہ نے ٹائمز ناؤ سمٹ ۲۰۲۵ مانہہ کہیو کہ پچھلے برے جموں کشمیر مانہہ پُر امن اسمبلی انتکابات منعقد ہویا اس سلسلہ مانہہ مزید اُنہاں نے اس طرح کہیو۔ جد ۲۰۱۱ مانہہ دفعہ ۰۷۳ نانہہ ختم کیو گئیو تے جموں کشمیر نانہہ ۲ مرکزی زیر انتظام علاقہ مانہہ تقسیم کیو گئیو اُس وقت جناب شاہ نے پارلیمان مانہہ کہی و تھو کہ مناسب وقت ور ریاست غو درجو بحال کیو جے غو۔

KATHUA SEARCH OPERATION

جموں کشمیر غا ضلع کٹھوعہ غا دور دراز جنگلاتی علاقہ مانہہ حفاظتی دستاں نے اج تلاشی مہم نانہہ مزید علاقہ توڑی بدھا دتو ہے۔ یا کاروانی اُس وقت جاری کی جارہی ہے جد ایک ہور پولیس اہلکار غی لاش تے ۲ ہلاک شدہ دہشت گردان غی لاش برآمد کی گئی ہے۔ آکاشوانی جموں غا نمائندہ غے مطابق بیڈ کانسٹیبل جگبیر سنگھ غی لاش راج باغ غا گھاٹی جوٹھانہ جنگل تیں برآمد کی گئی جس نانہہ جموں مُنتقل کیو گئیو جت پولیس ہیڈ کوارٹر گلشن گراؤنڈ مانہہ اُنہاں نانہہ خراج عقیدت پیش کرن واسطے تقریب منعقد کی گئی۔ دہشت گردان غی برآمد شدہ لاشاں کو تعلق جیش محمد تیں بنایو جارہیو ہے تے ان غے ناں تیں بڑی مقدار مانہہ اسلحہ گولہ بارود وی ملیو ہے یوہ تسادم جمعات غی صبح شروع ہوو تھو تے جمعہ نانہہ پورے دن جاری رہیو اس دوران ۴ پولیس اہلکار تے ۲ حال ہی مانہہ دراندازی کرن آلا دہشت گرد ماریا گیا۔ جد کہ دیگر دہشت گردان غی تلاشی جاری ہے۔

TRIBUTES

وزیر اعلیٰ عمر عبداللہ نے اج کٹھوعہ ضلع مانہہ ۲ روزہ جھڑپ غے دوران شہید ہون آلا پولیس اہلکار غی آخری رسومات مانہہ شرکت کی جت وہ اپنا تیرے ساتھیان غے ناں شہید ہوا

تھا۔ عمر عبداللہ نے پولیس ہیڈ کوارٹر گلشن گراؤنڈ جموں مانہ پولیس پوسٹ سافیاں غا انچارج ہیڈ کانسٹیبل جگ بیر سنگھ غی آخری رسومات مانہ شرکت کی۔ نائب وزیر اعلیٰ سریندر چودھری وزیر ستیش شرما پولیس غا ڈائریکٹر جنرل نلین پرہات تے دیگر اعلیٰ سول پولیس سی آر پی ایف، بی ایس ایف تے فوجی افسران نے وی شہید اہلکار نانہ خراج عقیدت پیش کیو۔ تقریب تیں بعد زرائع ابلاغ نال گل کرتا واں نائب وزیر اعلیٰ نے کہیو۔ اس دوران شہید تارک احمد جہڑا جموں کشمیر پولیس مانہ بہادر گریڈ سلیکشن غا کانسٹیبل تھا۔ غی آخری رسومات اج پورا اعزاز تے روایتی طریقہ تیں اُن غا آبائی گراں چھمپ کٹرا غے قریب ادا کی گئی۔ تارک احمد نے گزشتہ روز کٹھوعہ جھڑپ غے دوران فرض غی ادائیگی کرتا واں اپنی جان غی قربانی دتی۔ اُن کا جنازہ مانہ رُکن پارلیمان جُگل کشور شری ماتا ویشنو دیوی حلقہ غا اسمبلی رُکن بلدیو راج شرما ڈی آئی جی ادھمپور ریاسی رینج ریس محمد بھٹ تے دیگر اعلیٰ افسران اُن غا ساتھی اہلکار تے اہل خانہ نے شرکت کی۔ اس سلسلہ مانہ ایم پی جُگل کشور نے اس طرح کہیو۔

CANAL WATER RELEASE

جل شکتی آبپاشی تے سیلاب روک تھام محکمہ نے اعلان کیو ہے جے مینرنیئر نہر پرتاپ نہر کٹھوعہ نہر تے جموں صوبہ غی دوجی نہراں مانہ پانی ۲ اپریل ۲۰۲۵ نانہ چھوڑیو جائے گو محکمہ کی طرفوں جاری کیا گیا نوٹی فکیشن کے مطابق لوکاں خاص طور ور کساناں ناں جانکاری دتی جائے جے پانی شیڈیول کے مطابق چھوڑیو جائے گو تمام متعلقہ سپرائٹینڈنٹ ننگ انجنیراں تے ایگزیکٹیوٹو انجنیراں ناں ہدایت کی گئی ہے جے وے نہراں کی ری چارجنگ تیں پہلاں جاری کماں کی تکمیل یقینی بنان واسطے اپنی سرگرمیاں کی منصوبہ بندی کریں۔

PM MKB

وزیر اعظم نریندر مودی ملک تے بیرونی ملک مانہ رہ رہیا بھارتی شہریاں تیں پلک آکاشوانی ور من غی بات پروگرام مانہ اپنا خیالات سانجہ کریں گا۔ یا ماہوار ریڈیو پروگرام غی ۲۱ ویں قسط وے غی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی بندی نشریات غے فوراً بعد اس نانہ علاقائی زبانان مانہ وی نشر کرے گو۔

NAVRATRAS

کل تیں ۹ تہاڑاں گا نواراترا تہوار مزہبی جوش و جذبہ سنگ شروع ہون گے پیش نظر حفاظتی انتظامات سخت کردتا گیا ہیں۔ قلعہ شرانین باوے والی ماتا مند د کول کنڈولی مندر نگروٹہ تیں جموں کشمیر غا دوجا مندراں مانہ نوراترہ گا دنان مانہ عقیدت منداناں رش گو امکان ہے۔ شری ماتا ویشنو دیوی گھپا گا یاتریاں واسطے پُر ان یاترا یقینی بنان واسطے تمام ضروری اقدامات کیا گیا ہیں یاترا گا بنیادی کیمپ کترا مانہ کسے وی ناخوشکوار واقعہ تیں بچاؤ واسطے سخت حفاظتی بندوبست کیا گیا ہیں۔

RAMBAN SECURITY

ضلع رام بن مانہ کل تیں شروع ہون آلا چھیترا نورتری گا ۹ تہاڑہ گا تہوار تے عیدالفطر گے پیش نظر کسے وی ناخشگوار واقع تیں بچاؤ واسطے حفاظتی انتظامات ناں بدھایو جارہیو بے کٹھوعہ ضلع مانہ مشتبہ پاکستانی دہشت گرداں سنگ حفاظتی دستاں گا ٹاکرہ تیں بعد حفاظتی انتظامات ناں مزید بدھان گا اقدامات کرنا ضروری ہو گیا ہیں عیدالفطر تے نورتری گا تہواراں گی خاطر ضلع رام بن مانہ بدھایا جارہیا حفاظتی انتظامات بارے ایس ایس پی رام بن کلیر سنگھ نے کہی وجے کل تیں نورتری تہوار شروع ہو رہیو بے تے عید گو تہوار وی آرہیو بے اس بارے مزید گل کرتا واں ایس ایس پی رام بن نے اس طرح کہیو۔

JMC COMMISSIONER

لوکاں گا مطالبہ گے پیش نظر کمشنر جموں میونسپل کارپوریشن ڈاکٹر دیوانش یادو نے اج ضباہ خانہ ڈوگرہ بال گو دورو کیو تے اس گا گیٹ کی منتقلی بارے معاملات گو جائیزو لیو اس دورہ گو مقصد مقامی لوکاں کی طرفوں چایا گیا خدشاں ناں دور کرنو تے حل کڈھنو تہو۔ دورہ غے دوران ڈاکٹر یادو نے سائیٹ گو تفصیلی جائیزو لیو تے مریضاں سنگ گل بات کی تانجے یاہ گل یقینی بنائی جاسکے جے کوئی وی ترمیم شہری تے ریگولیٹری رہنما خطوط گے مطابق وے ڈاکٹر یادو نے اندراچوک ماں اک وینڈر زون گو وی جائیزو لیو جہیڑی میونسپل کارپوریشن کی طرفوں سڑک ور دپکانداری کرن آلاں نانہ مناسب جگہ دستیاب کران گی اک پہل ہے۔

JMC EID

عید غی تیاریاں گے پیش نظر جموں میونسپل کارپوریشن نے عوامنانہ محفوظ تے ساف ستھرو گوشت فراہم کرن واسطے ایک مہم شروع کی ہے۔ کمشنر ڈاکٹر دیوانش یادو غی ہدایت ور جانوراں گا طبی معائینہ سیکشن غا سربراہ ڈاکٹر گورو چودھری غی نگرانی مانہ شہر غا مختلف گوشت بازاراں گو اچانک معائینو کیو گیو۔ اس دوران ۱۱ دکاناں غی صفائی تے خوراک گ امعیار ور پورا نہ اُترن غی وجہ تیں جرمانو کیو گیو۔ یاہ مہم عید غا اختتام توڑی جاری رہ غی تانجے عوام بغیر کشی پریشانی غے عید مناسکے۔ اس دوران شکایات آن لائن تے آف لائن دواں طریقہ سنگ درج کرائی جاسکیں۔

UDH MANGO ORCHARD

کساناں ناں باختیار بنان تے زرعی ترقی نانہ بابدو دین مانہ سرکار کی مدد اہم رول ادا کر رہی ہے بکھ بکھ اسکیمیاں گے زریعے کساناں نانہ پیداواری صلاحیت بدھان واسطے فروری وسائل لبھ رہیا ہیں۔ ادھمپور گا تھلورہ گراں مانہ امب گو باغ اک مچ سوہنیمثال ہے۔ جہیڑو صرف ۰۰۱ بوتان نال شروع ہوو تھو تے اس ویلے اس باغ ماں امب گا بوٹاں گی تعداد ۵۳۲ توڑی بدھ گئی ہے کسان نے چنگا چاڈ آلا امب گا بوٹاں بورو پلاں تے کولڈ اسٹور کی سہولت دین واسطے ضلع باغبانی محکمہ گو شکریو اداکیو ہے تے کہیو ہے جے ان سہولتاں گی بدولت ہون اس موسم مانہ اچھی خاس امباں گی پیداوار حاصل کرن واسطے تیاریاں انہاں نے نوجواناں ور زور دتو ہے جے وے باغبانی نانہ اک پائیدار تے منافع بخش کیریر گا موقع غا طور ور اپنان واسطے غور کریں اس موقعہ ور گل کرتا واں اک کسان نے اس طرح کہیو۔
